

贛州府志卷八

山川志橋渡

贛縣橋渡

東津橋在建春門外宋知軍洪邁始造浮梁改名惠民嘉定間左史鄭性之用鐵索聯舟以濟後廢明宣德五年庚戌知縣李素重造正統元年丙辰通判鄭暹修又廢正德間兵使王秩重建至丙戌廢

知政橋在西津門外宋熙寧間知軍劉瑾始造浮梁宣和間秘閣李邁寶慶間侍郎聶子述相繼修理元廢以舟渡明宣德五年庚戌知縣李素重造尋廢正德間兵使王秩重建至丙戌廢 中書橋亦在西津門外元行中

贛州府志

卷八

贛縣橋渡

一

書省翁丹山建今廢

南橋在鎮南門外宋知軍周必正始造浮梁明宣德間知縣李素重建至丙戌廢

太平橋在儲潭太平港康熙三十年辛未瑞金陳姓倡建詳邱成和記

記云攷於志吾郡十川均流其源遠者與閩粵接既合於郡城之北爲贛水出灘以達於彭蠡而吾郡嘗爲兩粵門戶往來商賈遡彭蠡而上者日未嘗絕未至郡二十里曰儲潭舟上至儲潭則灘石之險盡脫川益分水益小無風波之虞舟中之人必割牲奠酒謁謝儲君廟而自發儲潭三里間曰太平港港之濶踰五尋而深且

不測橫截江濬舟子挽百丈必洄而過歲有溺者於是
挽舟者恒患之舟中之人利害非所切不與患也今夫
無涯之風波逆流之灘石天下之奇險也舟中之人雖
患之而無如之何然操舟者習其道能避之乃若五尋
之港得一有爲者設橋以渡則可以救挽舟者之溺而
有爲者不與患挽舟者患之而無可爲此則太平港之
險有過於風波灘石也夫歲辛未瑞金陳君某泊舟於
是曰我將令是有橋諸舟子聞皆歡呼前拜陳君曰毋
我拜贛有劉君某好義士將往與謀劉君果捐產以應
二君者又斂於衆共得資若干命石工起橋焉既而資
盡不就欲罷去越明年贛文學陽君直尹特往成之繼

資又若干而來乞余記其事於石余既嘉數君濟人於
通要之津而患乎我之所不與患爲乎人之所不能爲
而又嘉吾郡之多好義者也凡捐資者皆列名於左
鳳麟橋與太平橋相距五里許久圯里人劉良伯等捐貲
修復

度龍橋在城東坊即水塹口里人封邑建

惠仁橋在貢水東里人朱永琦重建兵燬永琦之孫士傑
捐貲重修

留公橋在百勝門外宋知軍留正建 赤瀾橋在桃源灘
邑人劉志隆重建 白土橋在貢水東邑人謝時修重
建三橋俱廢

以上十一橋實郡城要津一出郊門民無病涉之嗟
年久廢壞惟水東儲潭三橋俱已修建而東西鎮南
諸橋尤爲四省衝要軍民馳騖之所必經且可以關
鎖水勢更當徐圖興復

通濟橋在茅店北上覆以屋長興橋在磨刀南八里上
亦有屋康熙年間建小橋晉咸和元年丙戌里人架
石爲之明洪武二十九年丙子謝志高捐貲重修
白塔橋在七鯉鎮宋眞宗時里人郭世傳郭紹宗建淳祐
元年辛丑進士王庸立碑明正德十三年戊寅郭仁重
修立碑亭國朝乾隆三十六年辛卯貢生袁嘉祺倡
衆改建袁嘉德記四十二年丁酉袁嘉保建茶亭

贛州府志

卷八

贛縣橋渡

三

記云距城東七里許風氣鬱盤爲前朝舊鎮德族世居
於茲他姓亦列屋錯處趾相望也前瞰大江後負諸山
右當江水環匯村口上達閩廣下趨贛石而衆壑奔注
峻仄而悍春夏間山水暴漲突怒瀕洞窮曲隨隈江水
倒流宋眞宗時里人郭世傳郭紹宗建橋以濟其子孫
疊次重修具載郡志國朝乾隆乙酉歲雨甚山水盪
擊齧其涯橋壞里人太學生賴其玠劇金補苴己丑歲
又圯過半石輦确立水中履之可畏兄明經嘉祺毅然
倡改建之議德復力持之衆志遂定去冬請邑侯衛公
謀作敘勸捐時有太學生邱源舒守述賴其玠羅世遠
與吾兄各先輸貲德力綿亦勉助之春正月諏吉興□

適余以徵書赴部銓簡試粵東請假歸省而此橋成計長一十八丈高一丈八尺廣一丈三尺德乃言曰斯橋初議改建時估費千金無不憂觀成之難吾兄雖力主其事猶慮衆心之渙而莫收也德自春徂冬馳驅齊魯燕趙間每當茅店雞聲板橋人跡未嘗不縈念斯橋更恐吾兄之獨力無以自持焉今幸巨工告成而輔兄所不逮則大學生舒守述之力居多德竊喜翊贊吾兄取信里人以仰體我邑侯興廢舉墜至意不踰年得藉手□厥成歸甫抵郡舍舟登陸遙見氣如長虹耿耿然紆餘雄亘行人懽往喜來頌橋之聲不絕於口時東風初動綠柳柔荑因縱步徘徊四望前賢遺蹟氣象萬千橋

贛州府志

卷八

贛縣橋渡

四

之下水聲潺潺橋之上簫鼓隆隆不亦都哉重里人請遂紀其巔末刻石以示來者

吉埠橋乾隆八年癸亥監生劉永柱重建 黃鰾橋明知

縣李素建里人劉滄修 梅林坑口橋在縣三十里

山坑橋里人劉深重建 文溪橋今廢 以上九橋

在大由鄉

馬圳橋元大德三年己亥建明永樂二十年壬寅里人鍾

寬緣重建 永隆橋在苦竹舖明永樂年間朱滾建

國朝康熙三十二年癸酉裔孫朱明彬重修 大猶橋

今廢 以上三橋在四會鄉

慈貞橋 萬壽橋俱生員皮發元建 延齡橋 永貞橋

玉貞橋 長安橋俱生員鍾竒建 龍溪橋 坑口橋

林口橋 志步橋 安湖橋 移溪橋明洪武間知縣

邵宗質建今廢 以上十二橋在長興鄉

永遠橋即石舖橋里人鄔仲陳建 火燎橋明宏治六年

癸丑建 化龍橋乾隆十四年己巳歲貢郭文儼倡修

長步橋明洪武中知縣崔天錫建永樂中檢校李慎

重建今廢 大興橋 五眼橋 千秋橋今廢

以上八橋在章水鄉

桂源橋明知縣崔天錫建 雙秀橋在羅機灣郭志元捐

建 以上二橋在雲泉鄉

甘坑橋明萬歷間里人劉竹梅建 國朝康熙三十七年

贛州府志

卷八

贛縣橋渡

五

戊寅裔孫永一重修 鑿石橋康熙三十七年戊寅劉

師周建 以上二橋在愛敬鄉

東河渡在百勝門外邑人龍宗皇王次瑤等捐租以贍舟

子畢華國施渡舟二羅旭明袁佑章捐銀佐之

西津義渡在郡城西河康熙三十二年癸酉邑人徐陳策

置船二隻捐贍租一百二十石又劉文明劉去繁鄧元

昇王業開陳紫祥等置船二隻贍租一百五十四石宋

象茂置船一隻贍租四十石劉堯夫捐銀三百兩與兄

德榮等募化衆人置船二隻贍租二百二十石乾隆二

十一年郭文儼宋相允等增贍租四十九石

東津渡在建春門外 鄧湖渡在南門外 謝家渡在湧

金門外

龜尾義渡雍正七年己酉王名成與弟廷先置船贍租後郭雲先謝呈瑞亦捐租爲贍舟費

塘義渡在馬蹠水東坊雍正八年庚戌邑人焦文明等捐貲置船竝買田一頃以爲經費

白澗灘義渡在章水鄉乾隆二十年乙亥郭士週郭士運邱思範等置船贍田 白澗渡宋明遠施船贍租 即

中渡里人劉爾雅置船捐租 楊梅渡 黃金渡 街亭渡 懷仁渡 上灘渡 長步渡上三渡俱廢

以上九渡在章水鄉

王母渡在四會鄉順治間里人黃姓倡捐銀兩置田贍渡

贛州府志

卷八

贛縣橋渡

六

雍正間其族孫黃六宣等募貲建亭構舍以棲渡夫黃文澍有記

記云信豐江自龍南南界翁源冬桃嶺綿延而北是曰桃江即漢書所謂彭水是也其流亘於龍南信豐凡五百里至贛王母渡爲贛縣信豐安遠長寧數邑要津波濤洶湧灘石竒險與雩都貢江爭爲雄長至郡東四十里與貢江合顏師古漢書注言彭水東入湖漢者是也於郡至城北合章水蓋自以章貢合流名郡遂無有指名之者矣不知龍南信豐二邑皆爲南野地後之言彭水者不考古邑治所屬至求其指名而不得乃援聶都之豫章水及混於彭蠡之號而妄擬之不詳豫章水出

於南野之西彭水出於南野之東南也同邑異源其流
懸絕若風馬牛之不相及矣然秦關漢徼名雖泯滅而
古驛風烟江濤不改澍先大父與諸先輩捐銀買田以
贍斯渡迄今近百年操舟者無慮而津亭則缺如也行
旅往來鷗行鷺立於江潭沙岸之間酷日嚴寒悽風苦
雨無止息之所涉者病焉余族孫六宣偕其姪疊峰倡
募樂輸買江岸地建亭其址旁爲舍以居刺舟者余嘉
六宣疊峯能繼先志以行其利濟之實故喜而記之俾
泐之石云

峯背圍渡蕭生捐租贍渡 七里渡 梅林渡 石瀨渡
竭步渡 以上五渡在大由鄉

贛州府志

卷八

贛縣橋渡

七

蘭塘渡康熙四十七年戊子里人王而上置舟捐租 源

頭渡 郭口渡 藍江渡 以上四渡在愛敬鄉

江口渡里人王次瑤捐租 吉步渡劉永柱建 平固渡

尤灘渡 以上四渡在長興鄉

攸鎮渡 良富渡 錫洲渡 望南渡今廢 小猶渡今

廢 以上五渡在雲泉鄉

雩都橋渡

阜民橋 朝佛橋俱在東門 西成橋在西門 雙橋貢
生吳標重修 由義橋俱在縣東 永安橋 躡虹橋
俱任東南廂

東溪橋 禾溪橋 黃金橋 利涉橋 唇口橋 下耆

橋 唐村橋 峽尾橋 筠竹橋 大白橋 下官橋
以上十一橋在宣義鄉

銀坑橋 紫薇橋 石陂橋 以上三橋在黃金鄉

佛婆橋 平頭橋俱在智義鄉

攀桂義渡在南薰門 中心渡在城西壩 白曰渡在縣

東南四里

龍門渡 新地渡 烏株渡 橫石渡 鷄棲渡 丞口

渡 合口渡 以上七渡在宣義鄉

苦竹渡 赤口渡 上吉渡 車頭渡 孤潭渡 率口

渡 以上六渡在黃金鄉

小涵渡 楓柯渡俱在智義鄉

贛州府志

卷八

零都橋渡

八

信豐橋渡

迎恩橋在縣北門外初名虹橋以木爲之邑人袁氏始甃
以石宋縣令倪千里修之更名朝天明洪武七年乙卯
知縣彭奉先修改今名成化間知縣何讓甃石爲七堰
梁木其上屋覆之正德間知縣沈浩重修十一年丙子
火嘉靖四年乙酉按察司林某允士民請檄縣李朝會
重造侍郎劉節有記十六年丁酉知縣徐鑾修邑人俞
雍記二十三年甲辰知縣沈學復修三十五年丙辰洪
水圯同知趙時齊重修石橋復圯 國朝順治七年庚
寅邑人王繼永倡建捐租以資補葺乾隆九年甲子傾
冷水尋復構建

劉記云迎恩橋者信豐邑城北門曰朝天故一名朝天橋橋邑孔道決於元冥燬於祝融有年矣時詘焉弗暇爲矣力詘焉弗能爲矣勢詘焉弗敢爲矣杠設矣淋則朽漲則漂舟濟矣涉而市利則奸汎淫而弗利涉則覆病哉歲月玩愒哉孰恫若躬哉臬司林公按部至耆老以病告公廉之實佛然曰民隱哉迺擇部吏能者命之計復曰橋故疊石墩樹者四圮二毀二堤壘者二頽其一其一尚存也爲之哉巨石基之堅木梁之削石覆之永圖在茲公曰費若何僉曰厥金三十四斤有奇公度曰淫祠嘗撤矣厥地貿哉厥直十八贏以贖刑盈哉請於督府中丞聶公得允迺以邑令李朝會董之始事於

嘉靖乙酉七月石伐焉木斲焉存者飾之頽者補之圮者增之毀者作之始基之中梁之終覆之丙戌五月告畢完矣美矣鞏而奠矣士忭於校農慶於野商賈耄倪舞於市塗咸相謂曰我有長幼弗集於庸我有粟帛弗賦於公昔也焚泐今也阜隆昔也墊溺今也坦通督府公功耶臬司公功耶吾莫得而知也迺歌曰孰深而厲孰淺而揭我徒我輿萬世之利孰方孰舟孰泳孰游我徒我輿萬世之休報成於督府復報成於臬司咸令曰有是哉足以永矣毋棄汝成哉庶勿壞乃告訖於劉大夫大夫曰難成者功也時焉力焉勢焉弗詘也爲之斯易也謀同爾矣智同爾矣說道也佚道也中正節也展

也足以永迺可記 俞記云橋在邑治之北嘉靖乙酉成於臬司林公者也越十有三年秋淋漲瀾洶城不圯者四之一橋蕩殆盡邑侯徐公愀然曰城以捍患橋以濟涉重民命也是不可憲憲者首以甃城事宜白之當道城日就緒亟進邑北之民謂之曰辰角見而雨畢則除道天根見而水涸則成梁厥惟時哉顧茲重役之餘如財力何遲之吾將縮費以事事也民出相謂曰侯以民故酣茲鞅掌吾民獨漫然非也乃收溢財於遠邇得半焉遂聚金斂粟程值召工業且舉始聞之侯侯喜甚捐俸助之材市於山基益以石梁橫巨木而比板以覆梁兩翼閑以長檻如車收然未三月橋以成告民便之

且悉其事以告余欲記之石余考之志舊以木爲杠邑人袁氏始石之宋縣令倪公千里修之額曰朝天明洪武乙卯知縣彭公奉先修之改今名成化初何侯讓沈侯浩兩修之丙子火迄林公之鼎新徐侯之修復凡七興廢其間或因循數十年而始修或修之必經歲年而克就茲役也費集以義而不糜官帑工來諸募而不廛民力圯於秋復於冬事雖承舊功將創始亦何速哉蓋我侯三載於茲威行而人服情洽而人應體侯佚道使民之心而思疾首蹙額於我侯未至之先則毅然起欣然集宜是橋之成事半而功竝於乙酉之舉矣於戲一橋舉而我侯惠民之政吾民終事之義徵焉是宜有已

也侯□□直隸溧水人

嘉定橋在東門外宋景德間縣令倪千里建名平政淳熙間縣令趙師俠新之更名桃江嘉定十七年甲申縣令張焜重修改今名明宏治間知縣倪俊因故址作浮梁其上歐陽鵬有記萬歷十八年庚寅中丞甘士价倡建石橋未幾圯國朝康熙二年癸卯知縣張繼掄同僧轍倡修長二十餘丈上覆以屋僧轍有記雍正十二年甲寅冬火乾隆五年庚申知縣李翔麟重修十一年丙寅春復火是冬知縣李源修三十六年辛卯知縣潘汝炯支項修理四十二年丁酉被水圯復修

按明禹歷間中丞甘士价同張應張探建嘉定橋并

置租四百石店稅百金以資修葺國朝康熙二年有僧日御募化重建雍正三年李振玉經理復置租三百石曹飛濤又置租五十石共七百五十石

歐記云周詩言造舟爲梁傳云作船於水比之而加板於其上以通行者即今之浮橋也然則後世於通濟之處而有浮橋之作者其昉於此乎贛信豐桃江水出龍南桃川會境內諸水經縣治之左迤邐以入貢江若橫而渡之則自水以東直通安遠會昌諸縣非特一境之人所往來也屬當濟渡處波流洶湧挽舟爲難縣志載舊有橋圯宋縣令倪千里嘗修復之後又圯焉蓋以水勢難當故屢修屢決訖不能爲久遠計也宏治初元□

之歸安倪侯俊廷傑來爲令民始聞其姓卽有復橋之
思既下車見其清慎有爲愛民如子則又謂有是心有
是政爲之不難也侯乃屬而告之曰橋所以便民萬一
擾民不便矣顧茲土盜殘之後苛矣富人哀此惇獨今
必欲□其節吾餘俸與募富人或可也然以石以木率
不可以殺水勢惟浮橋爲宜於是量度其地經紀其費
召僧真量主募緣而出俸米三十石給疏以倡召耆民
施大有張鑑劉麟甘誠富義官吳仲修卽日市材督工
財日以集功日以就爲石埠者兩岸各一爲木舟者連
亘二十夾繫以鐐平藉以板遂以宏治己酉八月初八
日落成乃申明上司歲僉均徭十戶以時啓閉以防衝

激自茲往來畢通車馬驟馳如履平地民皆欣欣然有
喜色□聚拜曰始吾耳聞以思既而目擊以期今則親
享其□將何以祝吾侯哉惟壽惟福惟多賢嗣侯一謝
不居則又請記述以傳曰庶幾我民子孫異日知所自
侯又麾使去明年予來訪侯因留爲增修其縣志循例
書至浮橋有是言余始得錄之以鑱諸石 僧記略云
信邑山川環繞二水夾流迴瀾急湍襟帶左右長江大
河在東在西然從西而至者其流近經城之西爲慧應
橋繞城之北爲迎恩橋從東而來者其源遠自桃川會
境內諸江繞南山之城爲桃江與西江之水合洄□環
轉遂繞□之武龍山而北故邑之東隅地勢曠夷人民

畢集衣冠文物雖半甲於信而民多淳樸宛然有上古風當明萬歷間中丞甘公士价始以科甲崛起荆復今之高橋與迎恩慧應鼎峙而三邑之有嘉定高橋從甘公始也公以弱冠通籍政事大著於吳浙間惠此鄉人者獨橋爲最著人多頌公之德思公之志於弗衰滄桑代易城郭都非即迎恩慧應已非舊觀獨東之民物文風大勝於昔於是思公往迹者欲有以復之特難其任而不敢遽必其成也予以癸卯修慧應橋告竣而劉定一袁述堯江京林蕭洪衢諸君造廬而請焉予曰費用至大也功力至繁也人心至散也三者缺一事何以濟咸曰邑宰豈無捐俸之施乎四方豈無樂輸之助乎合

邑豈無倡義之人乎逮予甲辰從事向之所恃者見矣丙午再從事而費用不繼矣於是向之倡首數十人以述堯謝世之故皆以任大逡巡而不前矣獨定一慷慨揮三百金而不吝洪陽與予募化而無倦心其與諸石工爲儔伍而無難色則商頌陸君是任而往來任勞則燦然劉君魁選陸君力居多向所恃者宰官惟朱公大有助焉起於甲辰至今凡八載遂與慧應東西相望縱橫偃仰或上或下流如碧練時隱時現南山拱峙武龍環抱交相掩映若近若遠以爲邑中巨觀况水勢泛濫得免淪溺之憂捍患興利使古人遺跡徃徃而在非如父口所傳信青鳥家不稽之說汲汲而爲者然而甘公

之跡得定一洪陽商頌等而不泯而三人及樂輸好事者之姓氏因橋而始彰二者蓋相成云

慧應橋在縣治西一里舊名竹橋明成化間邑人吳氏募修宏治三年庚戌知縣倪俊新之改名來興萬歷四十四年丙辰汨於水崇正間建石橋以屋覆之復圯國朝順治間重修燬於火十八年辛丑僧轍募修改今名乾隆九年甲子大水圯復新之

仙石橋在安息中堡崇墩路康熙十一年壬子邑人李錦生捐建十六年丁巳水圯子庠生武發重修歲捐穀以贍守護 河口橋康熙間邑人郭逢年建 鎖銅橋康熙年間建 玉帶橋在潭堡乾隆五年庚申建 長壽

贛州府志

卷八

信豐橋渡

十四

橋 公橋 黃泥坑橋 烏舖橋 袁婆橋 大塘橋

火鋤坑橋 以上十一橋在縣南

錢岡橋 白竹橋 延壽橋 桃枝橋 古木橋 鷄社

橋 三板橋 以上七橋在縣西北

蓮花橋在丹弓嶺邑人郭逢辰建 火坑橋俱在縣東南

張公橋 七星橋 谷溪橋 延齡橋俱在縣西南

鎖筒隘橋邑人吳廷章捐修

桃枝渡在縣治東門外明嘉靖三年甲申邑人黃明倫等

捐金置舟贍租後建橋 黃沙渡在縣東十五里 龍

湖渡在縣東二十里 王公渡在縣東四十里 吳村

渡在縣東北

七里渡在縣南七里 游州渡在縣南十里 □ □ □ □ □ □
縣南十五里 東塘渡在縣南二十里 小 □ □ □ □ □ □
南四十里 烏傳渡在縣南五十里 蓮池 □ □ □ □ □ □
渡俱在縣南六十里 長演渡 劇付渡 □ □ □ □ □ □
在縣南七十里 崇仙渡在縣南八十里 □ □ □ □ □ □
劉公渡 九龍渡俱在縣南九十里 叅 □ □ □ □ □ □
南六十里 東傳渡在縣北四十里 營澤 □ □ □ □ □ □
五十里 龍王渡在縣北六十里

興國橋渡

承恩橋在上南門外元末通判王熊建明景泰 □ □ □ □ □ □
縣丞袁惟善修後義民歐陽仲晞羅彥澄等 □ □ □ □ □ □

贛州府志

卷八

興國橋渡

十五

丁巳圮知縣蔡鍾有檄義 □ □ □ □ □ □ □ □ □ □ □ □
庚子歐陽多瑚重修廣志 □ □ □ □ □ □ □ □ □ □ □ □
今門堙橋仍存 官圳橋 □ □ □ □ □ □ □ □ □ □ □ □

龍興橋在南門外里許明萬歷四十一年癸丑迄丙辰知
縣吳宗周蔡鍾有相繼建鄒元標有記四十七年己未
水圮 國朝乾隆五年庚申知縣徐大坤倡議復建激
濺二水暴發新築盡廢

鄒記云昔者先王愛民甚篤慮民甚周也備其不虞有
司關者慮其道路有司阻者載在周禮纖悉備具如造
舟爲梁澳澹倚笱之類見於經書者可考後復易爲石
杠取其堅固可垂永久民不病涉而又有形家因之以

縮穀下流爲人文地者此龍興橋議所由起也顧費鉅
時詘遂成道旁之舍會閩嶼梅吳侯來邑薦紳耆老文
學卒吏復上其議侯聞欣然曰夫茲地蘊靈閎竒久亦
下流空洩之故具褰裳滅頂者歲見告吾何敢後遂聞
兩臺使及觀察守相咸報曰可侯首蠲俸倡諸士民爭
出貲應計費數千緡經始於萬歷癸丑冬月至乙卯夏
月告成事修數百武廣四軌崇四仞稱壯觀矣諸生耆
老某某過而偕予姻友王學博徵記予竊窺□爲吏者
神情必有所注注其下則慮周民隱注其上□窺矚爲
工以窺矚獲上者十之九即邑事廢弛不暇□右顧矣
古人得百里之地君之君者長也不但於民□之養之

饑溺由己於子弟才者教之成之如嚴父訓□□□
其無成也鰓鰓然思所成就之而翼於成此□□□
也侯汲汲民隱是周又以澤民者造士所謂□□□
民之父母者耶先是欲有事茲橋未果有童□□□
橋興待福安人民不知所謂今橋成始知侯□□□
安人神告之矣凡欲成不世之役者在先得□□□
心而後能得其力今智者輸謀富者輸財能□□□
侯深仁湛恩淪浹膚鬲欲民樂子來成功之□□□
乎侯初令順德剏閣蔽霄竟有魁天下者是□□□
從此起矣昔崔雍州得美材數百章橋之人□□□
橋侯雖欲不尸其名不可得矣學博常述邑□□□

草木和柔月朗星麗偕諸生游泳其間不減沂雩風致
予雖老尚有志四方行當撰杖屨尋學博盟登茲橋一
聞樵者漁者歌侯之德澤乎侯名宗周字熙偉號嶼梅
福建南安人以名進士起家敬系之銘以永侯思銘曰
漢廷治行數吳公後先政蹟今古同驅石何年致海東
跨虹矯矯若游龍瑞氣鬱葱如貫虹碧水丹山映遠峰
苞靈孕秀起豪雄千秋勒碣紀侯功

通津橋在西門外明邑人王祖淳蕭儀振修萬歷十四年
丙戌王天閣復修建橋亭四十六年戊午王清目修
山下橋一名利涉明邑人蔡鶯蔡時望合修 荷嶺橋
監生劉高魁捐造俱在西門外

贛州府志

卷八

興國橋渡

十七

隆興橋在東門外舊爲山水衝毀邑人鍾達侯倡衆置田
爲春夏設渡秋冬架橋之費鐫石列條以垂永久
礪頭橋一名五昌橋在縣北里許明陳富建 南筮口橋
達澄溪上社順義王修程建 朱泗橋在木逕 社下
橋在瑤岡背白雲菴前
德星橋在縣南五里往贛通衢舊名鴈雲橋上有玉虹亭
明知縣沈釗修後知縣吳宗周蔡鍾有復修 國朝邑
人劉廷相新葺乾隆二十七年壬午邑人呂岳芹訓導
王振綱監生劉文慧鍾世潔等捐銀改造石橋三瓮監
生王上達捐建石亭一所 惲院橋在縣南二十里
大花橋距縣二十里明成化三年丁亥羅秀華建宏治間

圮口華姪寬柔修萬歷四十六年戊午圮寬柔之孫延源修國朝乾隆六年辛酉圮十二年丁卯鍾偉士等倡修小花橋明成化五年己丑楊村羅秀巒建萬歷四十七年己未圮巒四世孫延源修

廖屋溪橋鍾世清建雲溪橋劉魁澄建結傅橋俱在儒林鄉

務本橋舊名乘龍在桐溪水口劉守約建李紹蓮修康熙四十三年甲申圮乾隆元年丙辰里人李瑞華捐修小奮橋空公佛橋五郎橋龍子口橋黃芝橋

竹菌橋俱在衣錦鄉里人江廷振建龍窟三橋在衣錦鄉嶺下菴僧隱修建

贛州府志

卷八

興國橋渡

十八

竹坑橋在長信里明正德四年己巳里人羅秀巒捐建履仁橋舊名馬良在五陽廟邑人公建圳下橋在憚院鍾鳴淵建上官橋在程水下官橋在桐林乾隆三年戊午監生劉文慧捐修

國朝柯友桐官橋詩云迢迢河畔路爲愛石梁橫利濟民無病鳩工衆已擎不須深淺涉但覺往來輕還問停驂者因何欲返旌

文溪橋在文溪乾隆二十一年丙子貢生康國泰捐修黃龍橋在興教里陳彥清建獨江橋李敬存建上

遇橋胡克詢建下過橋俱在屋山下新開嶺橋郭景乾建瑞英橋在山坑竹坑口里人劉文顯建雲

山橋在順義邑人陳光紹建 節義橋在惠化東蕭以
源妻鍾氏建 分水橋在興國泰和分界距縣七十里
庫村楊正曉修 步雲橋在馬岡舖邑人鍾世清捐建
今圯 官橋在龍砂 蘭心橋在上逕楊氏修 沉香
橋在閭團都

濺江渡在東門外劉子星捐銀置租以贍舟子 武塘渡
舊名牛牯潭在縣東一里 龍下渡今設於樟壩在縣
東

程水渡在縣南十里康熙間邑人呂無瑕僧本然倡募置
田乾隆十一年丙寅呂汝彩等繼之 河南渡在縣南
門外 衣錦寨渡巡檢邱秉彝倡里人公捐贍舟

贛州府志

卷八

興國橋渡

十九

文溪渡在縣北十五里乾隆七年壬戌橋圯劉子星捐租
置船 澄潭渡在興廉里文溪 塘石渡 即澄渡
白沙渡俱在縣北 邨頭渡在順義 方流渡在方太
下 武溪橋渡監生蕭志學造 藍陂渡在白沙上
曲列渡在惲院團
桐林渡在縣南十五里乾隆二十九年甲申邑人劉元謨
元璋中芹等倡造渡船一隻并置贍租四十石
會昌橋渡

步雲橋一名抑洪在縣治雙清門外明萬歷間邑人歐彝
雍倡建十四年丙戌夏水壞知縣崔允升捐修顏曰步
雲又爲水圯四十一年癸丑知縣冒夢齡重建明末圯

國朝康熙三十七年戊寅歐有駿復募重建後水壤
雍正十一年癸丑知縣范興穀勸修

五里排橋在縣北黃坊 會通橋在舊會通館前 懷仁
橋上中下三處今圯

廣濟橋在珠蘭舖明邑人婁龍岡妻唐氏捐造萬歷二十
一年癸巳知縣冒夢齡重修

康樂橋在水頭中心墟雍正八年庚戌邑人鍾文穎倡建
教諭楊遇泰記

第一橋邑人劉世基倡修 第二橋 第三橋富尾劉氏
捐修 第四橋第五橋俱在縣教場西南

方寸橋在明山右麓邑人王長春重修 五坡橋在明山

贛州府志

卷八

會昌橋渡

二十

下 龍至橋在懷仁鄉 銅嶺橋在湘鄉西 虎溪橋

在白雲山 利濟橋在茶坑口邑人吳聲文建 設鬼

石橋 大魚潭橋 沙河石墩橋 大路背橋 觀音

巖橋 欄刀逕橋二 來龍岡橋二 閣山壩橋二

杉子坑橋 石橋 打刮巖橋 龍骨潭橋 王家坑

橋 五里山橋二

西門渡 水西壩渡 懷仁渡 上照渡 珠蘭舖渡

羊角壩渡 白沙渡 鷺鷥舖渡 下盧口渡 洛口

渡 小化江渡 桂林渡 漁翁舖渡 古寮渡 莊

埠渡 新渡 葫蘆閣渡 龍化渡 洋口渡 白鷺

度 黃坊渡 龍舌渡 水車下渡 上渡 佛祖閣

渡 打石岡渡 大魚潭渡 九子渡 五里壩渡
蘇洲渡 蠶塘渡 水口渡 鴉鵲壩渡 司背渡
白埠渡 軍門渡 西江墟渡 獅子潭渡 東潭渡
孕龍江渡

安遠橋渡

濂江橋在西門外墻下宋嘉定九年丙子縣令袁士表建
圯明嘉靖三十四年乙卯知縣吳卜相重建改名羅星
橋今石圯易以木橋

文明橋在大南門外康熙二十二年癸亥知縣于作霖倡
建圯乾隆五年庚申監生唐盛龍鼎建乾隆九年甲子
洪水衝圯復造十四年己巳其子監生廷對庠生耿光

贛州府志

卷八

安遠橋渡

二一

又捐租贍橋 小南門橋在太平門外邑人何尼濱等
置田永贍 西瓜壩橋在小南門外庠生杜喬登喬聘
等同建

城橋一在迎薰門外一在賓陽門外一在拱極門外俱明
知縣甘文紹建

西澣橋在永安坊宋縣令王澹建明知縣李多柞修之
國朝順治十二年乙未僧融六募修後本坊士民陽應
天等置租贍橋 永安拱橋亦在永安坊陽屋陂下
永年橋生員魏自強等建 安平橋乾隆五年庚申魏昇
等倡建 永富橋在富楓坑口唐占捷建 太平墟橋
邑人賴瑞吉建 以上四橋俱在太平堡

鶴子水橋向係浮橋乾隆六年辛酉郭士騏倡易以石郭
天耀捐銀千餘兩望恩橋黃土潭橋俱居民胡世
滙建永慶橋在梅子坑口郭清芳郭天耀等捐建
利涉橋邑民郭希傑建孫天耀修以上俱在龍泉堡
龍安橋明知縣李多祚諭居民駱隆等募資重修鵞公
坑橋邑民杜喬中建雍正間重修俱在龍安堡
斷龍江橋里民廖景暹等建康熙三十二年癸酉鍾元薦
重建改名永年七姑潭橋廖思諤建以上俱在
長沙堡

五渡水橋在里仁上堡順治九年壬辰僧融六募造後洪
水衝圯乾隆十四年己巳邑人募石重修竹實壩橋

贛州府志

卷八

安遠橋渡

二二

在里仁下堡順治七年庚寅僧融六募造置田永贍
龍石橋居民賴喬梅建廖繼賢等修滑石橋亦賴喬梅
建俱在重石堡南逕橋邑人杜仲質建石拱橋俱
在修田坊龍頭橋在龍頭堡康熙二十六年丁卯闔
邑公建大橋在新龍堡馬路口順治九年壬辰僧融
六募造安仁橋在弔規口陳安仁建雙福橋在古
田坊牛尾嶺橋在鴈門堡貢生曾益教捐建窑前
橋歐陽輝光修子振起造石橋逕口橋在長河堡
亂石墟橋

□林江渡在長沙堡渡四對岸即會昌界明天啓間賴錫
我置舟竝置贍租永垂利濟湯邦渡郭維簪蔡復興

捐田贍舟 鶴子墟渡生員胡良士等建今募衆建石
橋俱在龍泉堡 魚子角渡明萬歷間何對溪施田置
舟 社山渡在龍泉太平堡界 龍頭渡在新龍堡
版石渡在龍頭堡俱明知縣周昶建 河口渡在長河
堡

龍南橋渡 附路工

東門橋在東門外舊爲浮橋宋開禧間縣令林克思建石
未就嘉定十七年甲申縣令鄭輪成之後圯明洪武二
十四年辛未知縣戈文七宏治四年辛亥知縣張文
相繼修又圯今架木爲之 下東門橋二在朝陽門外
架木爲之 新安橋在朝陽門外康熙五十八年己亥

贛州府志

卷八

龍南橋渡

二三

知縣徐上又倡建 永濟橋邑人公建置田租一十一

石 長橋在城東 下汶橋在城東七十里

寧江橋在城東北五里明洪武二十四年辛未知縣戈文
七架木爲之後圯宏治四年辛亥知縣張文重建名曰
濟民 演教寺橋庠生吳彬建

江下壩上橋舊名蘆蓆壩在坊內堡距縣治南三里廖盈
聰捐遺蘆蓆壩內贍橋田租 江下壩下橋里民公
修 雙院橋在縣南十里元至順間邑人鍾南彬造後
廢邑人徐庸修 宏仁橋在縣南三十五里明成七間
邑民宋丞鼎建久廢邑庠生鍾其球復建 尹山橋在
縣南七十里 橫溪橋口縣南九十里

西門橋在縣西門外邑民袁立煌捐金千餘甃石臺九座
跨大江架木其上 象塘橋在縣西南十五里 楊邨
橋邑人賴思軒募造賴福之重修 南逕橋俱在縣西
南一百二十里 羅盤江橋在縣西南六十里象塘堡
乾隆三年戊午監生繆之佑建李燭捐租爲更橋板之
費
龍頭橋在縣北二十五里即龍頭灘明萬歷四年丙子知
縣王繼孝倡建 濟川橋 惠成橋 攀龍橋 附鳳
橋俱在縣北二十里龍逕西沿河一路庠生蕭啓文募
建 灑口橋在縣北十里今廢 樓背橋在縣西北三
十里明洪武二十四年辛未建

贛州府志

卷八

龍南橋渡

二四

下筭山橋 烏石逕橋 歐屋墩橋 太平堡橋 夾湖

橋俱繆之佑建

朝陽門渡在東門外邑民袁立忠捐田租以資修贍

水西渡在城西一里明季邑人徐昂置舟并捐過龍石田
租於官以資修贍黃廷偉記

記略云龍南爲縣據贛上游民多質而少文而好義之
心固自有也上有以振之則益奮耳茲華巖文公來牧
茲邦也躬行仁義百度咸貞而好義之民於壽耆徐君
義渡見之矣縣治西一里許名曰象江通廣要津往來
當涉者衆春夏水漲民艱於渡秋冬水涸民病於涉具
或遭陷溺之患徐君昂邑人也世有令德居象江之澚

病官渡之不暇給也廼捐貲獨造一舟又傭工以楫民甚便之一日謂其子嘉恩嘉忠曰茲舟之設固有利涉之益然恐其弗能久也莫若割田以輸於縣收租稅於公舟朽藉之以修理工食於是乎取給庶創始者不鹵莽於謀而仍貫者不憚於改作也子恩忠順承之里父老具呈於縣華巖嘆曰有是哉徐氏好義之心可謂塞且淵矣宜加褒賞以風薄俗輒徧申於當道咸允其請特許立碑厥孫養直捧牒懇記於予以勒石予曰田以糧而存舟以田而永德及於民而功延於後是之謂不朽也豈止誇一時濟一鄉已哉嘗以是求之漢有王賀者謂活千人子孫當封宋有宋郊者以竹渡螳胡僧相

其如活數十萬之命徐氏父子篤義若此後嗣之興宜其勃焉將必有濟大川用作舟楫者出也而文侯勸之若是其亟其上下相交成者與併書之俾夫讀斯碑者知所感云

蓮塘渡在城西十里 澣坊渡在城西二十五里 象塘

渡在城西南二十里邑民鍾文乾鍾應綱先後置舟捐

租 大埠渡在城西南二十五里鍾應綱捐建

龍眼渡在城西南九十里明季邑民李燭置外立亭一所

又捐租贍之知縣龔有成記雍正二年甲辰邑人繆之佑建觀音□上渡捐租贍舟又立渡亭廖運芳記

□記略云龍邑有部民李燭者家□鉅富也富未至□

則治生未有餘也鄉有二水一曰羅盤渡一曰龍眼渡
春夏波流洶湧而秋冬則寒洑爲甚均爲往來者之病
也燭家世新興頻經二江義形於感捐貲鳩工造舟以
爲渡立亭以爲憇割租四十石以爲贍凡修補之費工
食之資咸取足焉夫租至四十石亦中人家產也燭一
旦捐之而不惜施之而非強非好義之篤者烏能若此
也耶鄉老以之來言余重爲之嘉賞遂以聞於當道而
且爲之立碑古人以麥舟助急至今傳美燭以租贍渡
碑之立也其可矣然口直以明燭之義且將以風一邑
之爲民者使其皆以燭之心爲心焉則公私義利之分
將不憂其不明矣又由是而之焉不將有聞風而興起

者乎 廖記略云董子曰正其誼不謀其利明其道不
計其功於利濟之事若饑渴之中於身汲汲焉求所解
免至夢寐中如有或授之飲且食者如此其於爲善之
事豈尚間爲之而遂足於己者歟吾蓋見之於含水繆
君矣君篤於利濟事無巨細苟利於人爲之若不及如
下筭山下溪港始則短杓傾仄山石犖确自君修之而
成坦途矣羅盤江之渡山溪驟漲則行道望洋自君倡
築石橋儼然一輿梁矣他如洪溪險道修之葺之或獨
力或合衆力不可枚舉惟於觀音閣之渡獨力爲之而
人之賴之者則又廣且博也觀音閣一巨鎮距邑治八
十里百貨充物人歸之如鶩趨路阻一河當春夏滯潦

猥至褻裳可涉者不踰時則有滅頂胥溺之險人恒廢所事而返土人間艤舟以待又爲居竒地雖操斗米尺布入市者必多斂錢乃爲振楫繆君爲剡舟作渡又施田二十石歲取其租募篙師供駕楫之任路既當江廣通衢商旅不時至其稱便又不獨一坊趨市之人也其子承泗懼年歲久而蹟湮屬余爲之記此固非繆君意余雅知繆君好善之心出於誠然因爲數語以志之俾泐石以垂永久繆君名之佑字天惠宋進士瑜裔孫也含水三利渡在城西南一百里邑民鍾永培捐租贍舟康熙三十年辛未邑民繆介叔捐建上渡置田修贍又立亭一所廖運芳記

記略云大龍堡觀音閣之上游有口水渡亦通粵省之岐逕也舊鍾永培建渡於下至康熙年間繆君介叔復刱建上渡以便行人又置一亭以憇息勞者蠲腴租二十石以食駕舟之人俾垂不朽鄉人顏之爲三利渡蓋嘉其績也夫造舟爲梁事本王政古有專官而今出於有司又士民出私財爲之者非古之士民有禁而不敢爲今之有司漠視而不爲理蓋制既建於官則無藉於私事已修於民則官亦不必重爲舉苟如繆君之不煩有司不用衆財以利濟爲己任者其亦三代聖王之世而足以徵吾 熙朝盛化之所宏被者也是爲記

口水頭渡在城西南一百三十里邑人繆之佑倡築石橋

今水衝廢 寧江渡在縣城北五里
演教寺前渡在城東十里明萬歷五年丁丑知縣王繼孝
捐俸置船募人備渡 野石河渡在城東十里邑民李
逢昇捐租贍舟 檀樹壩渡在里仁堡距城東十五里
邑民李桐捐租贍舟 關西渡在城東四十里 江東
渡在城東南五里 楊坊渡在城東北五里邑人唐瑞
捐租贍渡 東山寺前渡邑民鍾瑯捐租贍渡
橫岡兩路工在縣南太平堡一自橫岡至曲尺巷達和源
縣二十里一自橫岡踰柑山達龍川七十里雍正年間
里人賴瀛登捐資二千餘甃砌石工彭咸寧有記
記云龍邑之鄉堡有八太平其一也距城南百二十里

咸寧友人瀛登賴君聚族於斯數十世矣堡之東南有
隘舊名橫岡與粵連界隘前二路一自橫岡至曲尺卷
分水埧達連平州及河源縣中計里者凡二十一自橫
岡踰柑山至柑坑芹菜塘達和平及龍川縣以里計之
則且七十焉其間或崖崿崎嶇或橋渡頽滑溪澗溜瀉
荆棘叢蒙均非所以便行李也賴君則慨然傷之曰坐
視弗顧非仁也有善弗爲非勇也爰始鳩工伐石庀材
於其二十里者甃石竟途中鞏石爲橋者三建茶亭一
所亭名一快又剏菴寺以泊茶僧工興於雍正己酉秋
月竣於癸丑之冬其七十里者甃石之路居三之二而
湘山數峯高二十餘里巔與趾皆平以磴級成大路口

設茶以飲行人爲亭顏以步雲紀其高也工興於乾隆甲子秋月竣於戊辰之冬其外復購店舍數間遞年僦金收爲修葺之費又撥田租八十以助茶資竝茶人薪水工值之用共計興工十年捐貲二千六百五十金有奇嗚呼難矣賴君其真仁而且勇者哉夫藩籬弗修門庭不飾切身要務庸有弗急焉况境屬鄰省徑鮮身由舍己財而安途人如是之勞且費也洵仁而且勇者也賴君所爲善端不啻此然是舉也既告厥成功哲嗣懼沒其親之善且慮日久蹟湮難乎爲繼於是屬咸寧紀之咸寧弗敢辭也遂濡筆而泐之石

龍頭山路工明知縣王繼孝始鑿歷任知縣先後相繼開

贛州府志

卷八

長寧橋渡

二九

擴有記詳見山志

長寧橋渡

附壩

雙虹橋在春旭門外馬蹠江跨雙橋於上故名一稱東門

橋 太平橋在絃歌門外通街爲橋上構觀音閣一呼

觀音橋 福善橋亦在絃歌門外社稷壇下

石圳橋在縣南三里 石仙橋在釣魚寨 福緣橋在樟

樹潭 田背橋 居紫橋俱在南廂 新村橋二一近

壽星嶺一近黃鄉逕俱西南廂去縣二十五里

羅家橋在□廂舊名鳳凰洲渡 通濟橋 東拱橋俱在

縣北十里 東亨橋在縣東廂

□橋 寧遠橋 萬盛橋 菖蒲橋俱在黃鄉堡 善

行橋 福興橋俱在南橋堡 高橋 新布橋俱在三
標堡 龍勾嘴橋 石柱橋俱在鄆鄆堡 清平橋在
水源壩 高橋在八付堡葫蘆洞 亘濟橋在湖塘
鹽路石橋乾隆二十三年戊寅監生曾應拔建 河逕
橋在雙橋堡 大陂閣石橋 牛皮灘橋俱監生
潤建
甲午橋二座在三標墟一建圯前蕉頭壩一建圯下黃竹
灘乾隆三十九年甲午知縣李廷佑捐俸倡率邑人胡
健菴黃松陶曹愈昌等鼎建并置贍田又修三標墟路
二十里鑿開九脚灣路一里知府竇忻記

記云黃帝有熊氏命其臣太撓立干支作甲子此紀元

之所自昉也六甲周曰六十甲子由甲子而甲午三十
年爲一世歲陽曰闕逢歲名曰敦牂此半甲子之會義
有取於萬物孚甲而生當日午方中乘時長發而奮興
也長寧令李君廷佑適於是歲之秋新蒞任令爲百里
長百里之民父母之所望於父母之生成者豈一二端
已哉而曾子繹樂只之詩不外於好惡同民山崎嶇水
湍激路窮岸斷爲民病令於是乎除道成梁即所以去
所惡而公所好也李君下車之歲經三標墟遂捐廉倡
建橋道又二年落成因題其橋曰甲午紀始事之歲也
錄其緣起及樂輸姓氏請余記按三標墟在長寧西比
陸通江廣中有蕉頭壩黃竹灘二溪水漲渡艱行者多

梗又山石犖确路徑險阻凡二十里慨然思跨梁溪上
甃石路心嘉與邑紳耆等議合各輸貲爲助召匠鳩工
埧前後蕉頭黃竹二處竝兩岸立石墩橫架木板成二
梁修治前路闢開古逕里許輿馬可達邑貢生曹愈昌
獨輸金二百有竒合衆貲爲是舉綽有餘裕復置租以
資歲修在邑人爲好善如我在李君爲善與人同皆可
書也或謂橋二而名一顏之以歲建有說乎余曰晉元
帝子裒立埧京口用丁卯日而糧運遂通後人建橋其
埧亦題之曰丁卯唐許渾築墅橋側因有夜歸丁卯橋
村舍之句人僉稱之曰許丁卯此詩人以橋著橋名以
日著也今李君以甲午歲至橋自甲午倡始固不忘始
事之意一壩一灘同架雙虹而適值李君下車之歲又
所謂千載而一時也援丁卯橋之例以命名援同歲立
橋以取義故同名甲午爲宜倘邑人必欲異其呼則姑
以埧前埧後別之夫政有即一二端而可以例其餘者
甲午雙橋之建下車之始政如斯克之而好惡無不同
民由行旅之履坦歌於塗極於土農工之樂業歌於四
境而長寧之政以成長邑人事事不忘賢令尹始事之
歲有如此橋矣特記此俾泐於石

河嶺渡距縣十五里 新春渡距縣二十里 老鴨河渡
俱在南廂 車頭渡在南橋堡距縣五十里 嵐蓋渡
嵐蓋村距縣三十里 廣濟渡在吉潭墟 靈石背

渡在八付堡

城岡壩在鄴鄔城岡墟滙水源桂嶺水上設塘汛寧都雩
都二邑鹽埠車船至此停泊起運爲小舟總會要津
吉潭壩在腰古堡吉潭村小舟多至此停泊
樟樹潭岸距縣五里小舟載貨由夾河口分津至此停泊
夾河口岸在竹子垵距縣十五里東西二津夾會舟溯
東津訖城岡壩西訖樟樹下止泊 老鴉河岸距縣二
十里秋冬架梁春夏立渡貨載從此起運俱在南廂
澁石牌岸在八付堡距縣二十五里灘石如齒舊有過
載行 青龍岸在青龍村距縣五十里小舟至此停泊
留車河岸距縣六十里爲舟載總會要津 河上逕

贛州府志

卷八

定南橋渡

三二

岸距縣百里地接興國長寧昔通小舟俱在雙橋堡

定南橋渡 附路工

西門橋在縣治西 南門橋在縣治南 東門橋在縣治

東 泥竹菌橋在東郊外

角壩橋在廳北橫江堡舊建無攷乾隆三十一年丙戌邑
進士鍾一誠倡輸重建甃石覆亭圍以欄有記

官橋里民鍾守義修 安寧橋 黃砂橋 仙嶺橋 土

坑橋俱在橫江堡 司灣橋 司前橋 大湖橋俱在

下歷堡 盤古橋 魚逕橋 十二坵橋俱在潭慶堡

程嶺橋在江南里里民何本稠建 丁坊橋在高砂

里

允□橋在廳東九十里兔子樹下乾隆四十二年丁酉邑紳彭豫良倡建訓導劉霖記

內江渡在信豐界明萬歷十一年癸未知縣章瑩建十六年戊子渡廢國朝順治十年癸已知縣祝添壽重建復廢康熙二十年辛酉知縣林詵復之

大竹園渡火甲水渡俱在高砂堡明萬歷四十二年甲寅知縣洪有觀造渡頭石岸九洲渡在大石堡長布渡鶴子水渡俱在小石堡

員魚逕口路工明萬歷元年癸酉贛府經歷署定南縣事杜棟率里民修員魚逕腦路工明萬歷二十二年甲午知縣葉夢熊率里民開鑿北通信豐

論曰郡治兩大川爲上游通津舊傳玉虹橋橫截尾閭作江城鎖鑰顧志皆不著其名豈傳聞異詞或今昔之名有不一者歟文山記贛人得陽氣之偏不可以刑威懾而可以禮義動試觀郡屬各邑橋梁津渡之設倡之自官助之在民徃徃合衆募貲以成之且有一人獨力輸鏹百千金以成橋道捐田租數十百石以贍舟渡者若贛縣信豐龍南諸邑尤著洵哉其可以禮義動矣良有司風流而令行良士民幕義而好善苟有可一記一詩必備錄而著之於篇以爲濟川利涉者勸惜乎澤及於人名湮沒而不稱者尚多也□□所錄庶幾可想見一斑矣夫

贛州府志卷八終

贛州府志

卷八

三四